

न वानद्दो तद्यद्विश्वा आशास्तस्मादाह विश्वाभ्यस्वाशाभ्य उपदधामीति तूष्णीं वि-  
वेतराणि कपालान्युपदधाति चित स्योर्धचित इति वा ॥ १२ ॥ अथाङ्गारैरभ्यूह-  
ति । भृगूणामङ्गिरसां तपसा तप्यधमित्येतद्वै तेजिष्ठं तेजो यद्भृग्वङ्गिरसां सुतप्ता-  
न्यसन्निति तस्मादेनमभ्यूहति ॥ १३ ॥ अथ यो दृषदुपले उपदधाति । स कृत्वाजि-  
नमादत्ते शर्मासीति तद्वधूनोत्यवधूतं रक्षोऽवधूता अरातय इति सोऽसाविव  
बन्धुस्तत्प्रतीचीनग्रीवमुपस्तृणात्यदित्यास्त्वगसि प्रति त्वादितिर्वेत्विति सोऽसाविव  
बन्धुः ॥ १४ ॥ अथ दृषदमुपदधाति । धिषणासि पर्वती प्रति त्वादित्यास्त्वग्वेत्विति  
धिषणा हि पर्वती हि प्रति त्वादित्यास्त्वग्वेत्विति तत्संज्ञामेवैतत्कृत्वाजिनाय च  
वदति नेदन्योऽन्यं हिनसाव इतीयमेवैषा पृथिवी वृषेण ॥ १५ ॥ अथ शम्यामु-  
दीचीनाग्रामुपदधाति । दिव स्कम्भनीरसीत्यन्तरिक्षमेव वृषेणान्तरिक्षेण हीमे व्या-  
वापृथिवी विष्टब्धे तस्मादाह दिव स्कम्भनीरसीति ॥ १६ ॥ अथोपलामुपदधाति ।  
धिषणासि पार्वतेयी प्रति वा पर्वती वेत्विति कनीयसी क्षेपा दुहितेव भवति  
तस्मादाह पार्वतेयीति प्रति वा पर्वती वेत्विति प्रति हि स्वः संजानोते तत्संज्ञा-  
मेवैतद्दृषदुपलाभ्यां वदति नेदन्योऽन्यं हिनसाव इति द्यौरैवैषा वृषेण हनू-  
ऽएव दृषदुपले जिह्वैव शम्या तस्मादुभयया समाहन्ति जिह्वया हि वदति ॥ १७ ॥  
अथ हविरधिवपति । धान्यमसि धिनुहि देवानिति धान्यं हि देवान्धिनवदित्यु-  
हि हविर्गृह्यते ॥ १८ ॥ अथ पिनष्टि । प्राणाय त्वोदानाय वा व्यानाय वा दीर्घा-  
मनु प्रसितिमायुषे धामिति प्रोहति देवो वः सविता हिरण्यपाणिः प्रतिगृणात्व-  
हिद्रेण पाणिना चक्षुषे वेति ॥ १९ ॥ ॥ शतम् १०० ॥ ॥ तद्यदेवं पिनष्टि । जीवं  
वै देवानां हविरमृतममृतानामथैतदुलूखलमुसलाभ्यां दृषदुपलाभ्यां हविर्यज्ञं  
घ्नति ॥ २० ॥ स यदाह । प्राणाय त्वोदानाय वेति तत्प्राणोदानौ दधाति व्यानाय  
वेति तद्व्यानं दधाति दीर्घामनु प्रसितिमायुषे धामिति तदायुर्दधाति देवो वः स-